

Broj: 01-01.3-12267/21 AK
Datum: 28.10.2021. godine

Na osnovu čl. 17. stav (1), 18. stav (1) i 21. stav (1) tačka d) Zakona o javnim nabavkama („Službeni glasnik BiH“, broj: 39/14) i člana 2. Pravilnika o javnim nabavkama JP Autoceste FBiH d.o.o. Mostar br.: NO 1.01-724-11/15 od 24.02.2015. godine i NO 1.01-3309-3/19 od 26.07.2019. godine, te Odluke o izmjeni i dopuni Plana nabavki za 2021. godinu donesenoj na sjednici Uprave dana 20.10.2021. godine, v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar, donosi:

ODLUKU

o pokretanju pregovaračkog postupka bez objave obavještenja o nabavci

1. Za potrebe ugovornog organa JP Autoceste FBiH d.o.o. Mostar pokreće se postupak nabavke radova: „Zamjena oštećene prelazne naprave na mostu MO6, desna strana autoceste, dionica Podlugovi – Jošanica“ putem pregovaračkog postupka bez objave obavještenja o nabavci, sa kriterijem „najniža cijena“.
2. Procijenjena vrijednost nabavke iznosi 76.000,00 KM bez uračunatog PDV-a.
3. Pregovarački postupak bez objave obavještenja o nabavci će se voditi sa izvođačem radova SIKRA d.o.o. Sarajevo.
4. Služba za javne nabavke će pripremiti svu potrebnu dokumentaciju za provođenje postupka dodjele ugovora putem pregovaračkog postupka bez objave obavještenja, u skladu sa odredbama Zakona o javnim nabavkama – u daljem tekstu: Zakon.
5. Provođenje predmetne nabavke izvršit će Komisija za nabavke formirana od tri (3) člana u skladu sa Pravilnikom o uspostavljanju i radu komisije za nabavke („Službeni glasnik BiH“, broj: 103/14).
6. Komisija za nabavke će izvršiti otvaranje ponude, provesti pregovore, pregledati i ocjeniti ponude, te dati preporuku v.d. direktora za donošenje odluke o izboru najpovoljnijeg ponuđača ili odluke o poništenju postupka.
7. Ova Odluka stupa na snagu danom donošenja.

Obrazloženje

Dana 13.10.2021. godine prilikom obavljanja aktivnosti redovne ophodnje Službe održavanja, uočeno je oštećenje prelazne naprave na krajnjem obalnom stubu mosta MO6, desna strana autoceste, dionica Podlugovi – Sarajevo sjever na stacionaži km 58+300. Navedeno oštećenje se ogleda u pucanju gume na dva segmenta prelazne naprave POLIDIL 100 u preticajnoj saobraćajnoj traci, što je za posljedicu imalo oslobađanje metalnog dijela naprave koji ugrožava bezbjedno odvijanja saobraćaja, te je odmah izvršeno preusmjerenje saobraćaja u voznu traku pomoću privremene saobraćajne signalizacije.

Dodatna otežavajuća okolnost je što 15.11.2021. godine nastupa period Zimske službe, odnosno dolazi period loših vremenskih uslova sa snježnim padavinama. Ukoliko se dogodi novo iskakanje segmenata ugrađene prelazne naprave, preusmjerenje saobraćaja u sigurnu saobraćajnu traku će biti izuzetno otežavajuća okolnost za izvođača radova zimskog održavanja



P

prilikom uklanjanja snijega. Naime, plugovi dužine 5,0 m koje koristi Izvođač radova na svojim kamionima na autocesti neće moći proći kroz postavljenu privremenu signalizaciju što će za posljedicu imati obustavu saobraćaja zbog nemogućnosti uklanjanja snijega u toku padavina, a i kasnije kada padavine prestanu.

S obzirom na to da navedena dilataciona naprava predstavlja tačku na autocesti koja je potencijalna opasnost za učesnike u saobraćaju, odnosno zbog mogućnosti iskakanja iste iz svog položaja, bezbjednost učesnika u saobraćaju je znatno ugrožena.

Zbog ozbiljnosti i neophodnog hitnog reagovanja u rješavanja ovog problema, te kako bi se izbjegli mogući incidenti koji za posljedicu mogu imati fatalne događaje na predmetnoj dionici autoceste, Uprava preduzeća je na sjednici održanoj dana 20.10.2021. godine donijela Odluku o izmjeni i dopuni Plana nabavki za 2021. godinu.

Zaključenje ugovora sa izvođačem SIKRA d.o.o. Sarajevo, koji su hitno uvedeni u posao, uslijedit će nakon provedenog pregovaračkog postupka bez objave obavještenja o nabavci s ciljem hitnog otklanjanja potencijalne opasnosti za učesnike u saobraćaju na naprijed pomenutoj dionici autoceste.

Procijenjena vrijednost radova iznosi 76.000,00 KM, bez uračunatog PDV-a.

Shodno naprijed navedenom, ugovorni organ se odlučio za provođenje hitnog pregovaračkog postupka bez objave obavještenja o nabavci, na osnovu člana 21. stav (1) tačka d) Zakona, koji propisuje da se pregovarački postupak bez objave obavještenja o nabavci može provesti kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati Zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

Na osnovu naprijed iznesenih činjenica, ispunjeni su Zakonom propisani posebni uslovi za primjenu pregovaračkog postupka bez objave obavještenja, te će na učešće u pregovaračkom postupku bez objave obavještenja o nabavci za nabavku radova: „Zamjena oštećene prelazne naprave na mostu MO6, desna strana autoceste, dionica Podlugovi – Jošanica“, biti pozvan jedan privredni subjekt SIKRA d.o.o. Sarajevo.

Shodno navedenom odlučeno je kao u dispozitivu ove Odluke.

v.d. direktora:



Elmedin Voloder, dipl.ing.građ.

